

Wien, Österreichische Nationalbibliothek (ÖNB), Cod. 4600

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

529

P A T R I S T I C I .

530

non rara est, in *Notis suis adtulissent*. Ita mox in Prologo Noster habet: *eluent atque eminent pro lucent atque emicant*. Item medio fervente calore pro meridiano fermentem calorem, in provecta pro in processa, castitatis et simplicitatis spiritale sacrificium omisso, quod Edita interserunt, τῷ animantia, demum rationis capax hostia, quod ultimum verbum in Editis non legitur. Sic et per decursum Sermonum, ut exempli caussa Serm. XXII. et ult. *Hic est ergo profetus finis, culpe situs pro ut etiam culpae sit; Qui jam errare nescit pro qui in errore jam non sit, &c.*

CCXCII.

U. 179 Codex chartaceus lat. Sec. XV. Folior. 331. f. bene perscriptus, rubricis enotatus, et, ut fol. praevio, cui etiam Theologica quae-dam de Malo et Peccato adscripta sunt, dicitur, a celebri Thoma Hasselbachio legatus cum tot aliis Collegio ducali Vien. complectitur sequentia: I. *Incipit tractatus beati Ambrosij Episcopi in Epistolam beati pauli ad Romanos*. Et sic in reliquas XIII. Apostoli Epistolas. Verum hi Tractatus Ambrosium solum modo mentiuntur, ut egregie discussere Mauriani edit. Opp. Paris. 1690. in Append. T. II. col. 21. f. qui Tractatum ultimum in Epist. ad Hebreos penitus omisere, utpote ne quidem ad hunc Ambrosiastrum pertinentem. Extat tamen in Cod. nostro fol. 213. p. 2. hoc rubro: *Incipit commentum Beati Ambrosij super epistola ad Denis Codd. Theol. V. II. P. I.*

Hebreos. Initium Prologi Tract. I. est: *Principia rerum requirenda ut noticia earum possit haberi &c.* Quae paullo aliter se habent in Editis.

II. fol. 243. *Incipit de virginibus liber primus Beati Ambrosij ad sororem suam Marcellinam*. Ita: *Si iuxta celestis sententiam veritatis &c.* Sequitur Liber II. et III. ut in edit. suprac. T. II. col. 145. Verum adtextus est etiam IV. qui huc non pertinet, et separatum constituit Tractatum, qui in edit. T. eod. col. 213. titulo *De Virginitate* Liber unus legitur hoc initio: *Nobile apud veteres Salomonis &c.* Et merito quidem, si initium Tractatus attendas, quem nunc indico.

III. fol. 270. *Incipit liber de viduis beati Ambrosij Episcopi*. Nempe sic: *Bene accedit fratres ut quoniam tribus libris superioribus de virginum laudibus differimus &c.* Vides Ambrosium ipsum non nisi tres Libros memorare. Igitur Liber ille IV. seorsim et serius scriptus est, et in edit. cit. post *Librum de Viduis* T. II. col. 213. rite comparet.

IV. fol. 281. p. 2. *Secundus liber de (Officijs scriptum erat, sed eo jugulato superimpositum) viduis beati Ambrosij Episcopi*. Nihilo sanius Librarius. Scribendum erat: *Exhortatio Virginitatis*, vel *ad Virgines*, sed illusit ei *Juliana pia Vidua*, quam S. Doctor tres Filias ad servandam virginitatem exhortantem inducit. Itaque Sermo hic peculiare constituit Opusculum, et ut tale prostat edit. cit. T. II.

L1

col₄

Wien, Österreichische Nationalbibliothek (ÖNB), Cod. 4600

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

531

C O D I C E S

532

col. 277. hoc ingressu: *Qui ad conuiuium magnum invitantur &c.* Ad calcem iterum prolapsus est Scriba: *Iste est finis tertij libri de viduis Beati Ambrosij.* Non videatur Maurianis Codex de Viduis inscriptus occurrisse.

V. fol. 293. *Hic liber intytulatur de perpetua virginitate Marie beati Ambrosij.* Atque hanc esse Codicum mss. inscriptionem testantur Mauriani in *Admonit.* praevia T. cit. col. 247. Edita vero praeferre: *De Institutione Virginis ad Eusebium.* Initium est: *Commendas mibi pignus tuum &c.* Perorationi, quae in Edit. constituit Caput XVII. et infit: *Nunc ad te decursis omnibus &c.* Miniator noster liberaliter praemisit: *Oratio beati Ambrosij cum gratiarum actione profusa de christi ortu et conceptu de virgine, et pro sacra te virginis deuota commendatione.* Ubi tu non B. Mariam, sed Ambrosiam puellam intellige, quae virginitatem Deo voverat.

VI. fol. 304. p. 2. *Incipit liber beati Ambrosij Episcopi de Excessu fratris sui satyre.* (Satyri). Initium est: *Deduximus Fratres dilectissimi hostiam meam &c.* Sequitur etiam Liber II. titulo *De Fide Resurrectionis.* Superiore libro aliquid indulsumus desiderio &c. Prout extant T. cit. col. 1113. In universum Codex et a prima inanu et a curis secundis satis castigatus et Editis conformis est.

Ad Thecam ejus interius utrinque conveстидam arreptae sunt Membranae splendidi Codicis litteris uncialibus hebr. absque pun-

ctis descripti et marginibus picturati, ubi ex uno latere Sponsi anulum praeferentis, ex altero Sponfae icon visitur, unde de Nuptiis Tractatum fuisse putem autore R. Schalom f. Menachem, de quo nihil apud Wolfium. Initium est --- בשת בחתה ית אלפים ומאה וחמשים רשות לבריאת עולם &c.

CCXCIII.

Codex chartaceus lat. germ. U. 98 Sec. XV. Folior. 300. 4. plurimum currente calamo a diversis exaratus, miniatus, et, ut membrana praevia docet, legatus Uniuersitati Varia complectitur, quae hic indicantur: I. est Regimen, uti vocabant, Sanitatis illustri cuidam Personae commendatum, quod incipit: *Omnipotentem deum et dominum nostrum ihesum christum humiliter invoco, ut sit michi indigno baccalario ac phisico auxiliator ad satisfaciendum Vobis in omnibus articulis Vobis utilibus pro conseruacione sanitatis pro quibus me diligenter petuiustis.* Recenset dein quatuor Utilia, et decem Noxia saluti. Inter priora est *bonum Regimen Sex rerum non naturalium*, quae deinceps totam paginam faciunt, inter posteriora frequens minutio et excretio sanguinis, bibere ieiuno stomacho, sedere diu in mensa et longa sessio serotina, et noua brodalia nimis pinguis &c. Medicamenta sub finem duo tantum commandantur *Tragea confortativa seu saluatoris glandibus, foliis quernis, zinzibere, cinnamomo,*